

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
OPĆINSKI SUD U SARAJEVU

Broj: 65 0 St 1112627 24 St
Sarajevo, 18.11.2024. godine

Općinski sud u Sarajevu, stečajni sudija Zlatan Bilić, rješavajući po prijedlogu za otvaranje stečajnog postupka nad imovinom privrednog društva Nezavisna novinska agencija "ONASA" Društvo sa ograničenom odgovornošću za prikupljanje i distribuciju informacija Sarajevo, ulica Hamdije Kreševljakovića broj 12/I, Sarajevo, donio je dana 18.11.2024. godine slijedeće:

R J E Š E N J E

- I. Pokreće se prethodni postupak radi utvrđivanja postojanja uvjeta za otvaranje stečajnog postupka nad imovinom stečajnog dužnika Nezavisna novinska agencija "ONASA" Društvo sa ograničenom odgovornošću za prikupljanje i distribuciju informacija Sarajevo, ulica Hamdije Kreševljakovića broj 12/I, Sarajevo.
- II. Za privremenog stečajnog upravnika imenuje se Džihanić Enis iz Sarajeva, ulica Trg solidarnosti broj, 13/6, Sarajevo.
- III. Privremeni stečajni upravnik dužan je odmah po prijemu rješenja o imenovanju preduzeti radnje u smislu članka 63. Zakona o stečaju („Službene novine F BiH“, broj: 53/21) i to:
 - osigurati imovinu stečajnog dužnika i brinuti se o njoj;
 - ispitati može li imovina stečajnog dužnika pokriti troškove stečajnog postupka i postoje li razlozi i uvjeti za otvaranje stečajnog postupka;
 - procijeniti može li se poslovanje stečajnog dužnika u cjelini ili u pojedinim dijelovima nastaviti;
 - izvršiti pregled dužnikovih poslovnih prostorija i izvršiti uvid u poslovne knjige i dokumentaciju dužnika;
 - utvrditi može li se poslovanje stečajnog dužnika u cjelini ili djelimično nastaviti u toku prethodnog postupka i
 - dostaviti izvještaj stečajnom sudiji da li je podnositelj prijedloga za otvaranje stečajnog postupka, odnosno zakonski zastupnik stečajnog dužnika podnio prijedlog u roku od 60 dana od dana nastupanja platežne nesposobnosti.

- IV. Privremeni stečajni upravnik je dužan podnijeti izvještaj u roku od 30 dana od dana imenovanja u kojem će izvjestiti o poduzetim radnjama i iznijeti svoje stručno mišljenje o zatečenom stanju.
- V. Pozivaju se povjeritelji da privremenom stečajnom upravniku bez odgađanja saopće koje mjere osiguranja na predmetima imovine stečajnog dužnika oni zahtjevaju.
- VI. Rješenje o pokretanju prethodnog postupka bit će istaknuto na oglasnoj ploči Suda, na web stranici – elektronskoj ploči Suda, na Internet stranici FIA-e i u "Službenim novinama FBiH"
- VII. Ovo rješenje će biti istaknuto na oglasnoj ploči ovog suda sa danom donošenja.
- VIII. Rješenje se ima dostaviti Registru Općinskog suda Sarajevo radi upisa zabilježbe prethodnog postupka u matičnom registarskom broju subjekta upisa broj MBS broj 65-01-0782-08.

O b r a z l o ž e n j e

Predlagač je dana 17.09.2024. godine ovom sudu podnio prijedlog za pokretanje stečajnog postupka nad imovinom pravne osobe Nezavisna novinska agencija "ONASA" Društvo sa ograničenom odgovornošću za prikupljanje i distribuciju informacija Sarajevo, ulica Hamdije Kreševljakovića broj 12/I, Sarajevo.

U prijedlogu je navedeno, da pravno lice čiji se stečaj traži, nije ekonomski održivo, da ima dospjelo dugovanje prema PUFBiH u zinosu od 152.152,11 KM, da su računi društva blokirani, te da društvo nema imovine koja je dostatna makar da pokrije troškove stečajnog postupka. Na ročištu održanom dana 12.11.2024. godine zakonski zastupnik stečajnog dužnika je izjavio da društvo ima neizmirene obveze prema PUFBiH, da doprinosi radnicima nisu uplaćeni, da ima preko 600.000,00 KM dugovanja uključujući prema zakupcu, te da društvo nema imovine niti sredstava da izmiri obveze.

Našavši da se u konkretnom slučaju radi o dopuštenom prijedlogu, a radi utvrđenja postoji li stečajni razlog i postoje li uvjeti za otvaranje stečajnog postupka, te imajući u vidu činjenicu da je stečajni dužnik uplatio predujam za pokriće troškova prethodnog postupka, Sud je donio odluku kao u izreci, primjenom članova 61., 63., 65. i 66. Zakona o stečaju.

Stečajni sudija
Zlatan Bilić

Pouka o pravnom lijeku: protiv ovog rješenja žalba nije dozvoljena.